

Girdhar Mere Mausam Aaya | By Mukesh Bagda

Girdhar Mere Mausam Aaya
Dharti Ke Shringaar Ka
Daal Daal Par Lag Gaye Jhoole
Barse Rang Bahar Ka
Girdhar Mere.....

Umad Umad Kaali Ghata Shor Machaati Hai
Swagat Mein Tere Sanwra, Jal Barsati Hai
Koyaliya Kookti, Mayuri Jhoomti
Tumhare Bin Mujhko Mohan, Baharein Feeeki Lagti Hain
Girdhar Mere.....

Chaandi Varni Chandni Ang Jalati Hai
Jharno Ki Ye Ragini Dil Tadpaati Hai
Chali Jab Pprwayi, Tumhari Yaad Aayi
Dilo Mein Angaare Dehke, Kasak Badhti Hi Jaati Hai
Girdhar Mere.....

Gwal B Aal Sang Gopiya Shri Radhe Aayi
Aaj Kaho Tumhe Kaun Si Kubja Bharmayi
Tumhari Raah Mein Milan Ki Chaah Mein
Bichhayee Palke Baithe Hain, Tumhari Yaad Satayi Hai
Girdhar Mere.....

Shri Radhe Ke Sang Mein Jhulo Ji Mohan
Chhed Raseeli Bansuri Sheetal Ho Tan Man
Baji Jab Bansuri, Khili Man Ki Kali
Magan Nandu Saari Sakhiyan, Tumhe Jhoola Jhulati Hain
Girdhar Mere.....

<https://bhaktivandana.com/lyrics/%e0%a4%97%e0%a4%bf%e0%a4%b0%e0%a4%a7%e0%a4%b0-%e0%a4%ae%e0%a5%87%e0%a4%b0%e0%a5%87-%e0%a4%ae%e0%a5%8c%e0%a4%b8%e0%a4%ae-%e0%a4%86%e0%a4%af%e0%a4%be-by-mukesh-bagda/>